



Broj: 01-3-105-1/21
Sarajevo, 01.02.2021. godine

Na temelju odredbi člana 155. Pravila Javne ustanove Srednja poslovno-komercijalna i trgovačka škola Sarajevo, a u skladu sa Naredbama Ministarstva zdravstva Kantona Sarajevo i Uputstvom o organizaciji i realizaciji odgojno-obrazovnog rada u osnovnim i srednjim školama na području Kantona Sarajevo u školskoj 2020/2021. godini Ministarstva za odgoj i obrazovanje Kantona Sarajevo broj: 11/04-34-2024-1/21 od 25.01.2021. godine, direktor Škole donosi:

ODLUKU

I – Utvrđuje se proces rada Javne ustanove Srednja poslovno-komercijalna i trgovačka škola Sarajevo za vrijeme važenja vanrednog stanja radi nepovoljne epidemiološke situacije, u periodu od 01.02.2021. godine, na osnovu Uputstva o organizaciji i realizaciji odgojno-obrazovnog u osnovnim i srednjim školama na području Kantona Sarajevo Ministarstva za odgoj i obrazovanje Kantona Sarajevo broj: 11/04-34-2024-1/21 od 25.01.2021. godine, za vrijeme važenja Uputstva, a u skladu sa Metodologijom realizacije online nastave u Kantonu Sarajevo sa smjernicama za izradu digitalnog obrazovnog sadržaja i praćenje, vrednovanje i ocjenjivanje učenika/ca, te poštujući Smjernice za prevenciju i kontrolu infekcije COVID-19 u osnovnim i srednjim školama izdate od Javne ustanove Zavod za javno zdravstvo Kantona Sarajevo, kako slijedi:

1. Nastavno osoblje općeobrazovne i stručnoteoretske nastave realizovati će online nastavu za učenike I i II razreda i učenike III razreda četverogišnjih zanimanja, te redovnu nastavu za učenike III razreda trogodišnjih zanimanja i učenike IV razreda, prema važećem Rasporedu časova ove Javne ustanove za školsku 2020/2021. godinu, te poslove redovnog vođenja pedagoške dokumentacije i evidencije u sjedištu Škole pridržavajući se preporuka Zavoda za javno zdravstvo KS i propisanih mjera od strane Kriznog štaba Ministarstva zdravstva KS.
2. Nastavnici praktične nastave će realizovati praktičnu nastavu u školskim kabinetima, prema važećem Rasporedu časova ove Javne ustanove za školsku 2020/2021. godinu, pridržavajući se preporuka Zavoda za javno zdravstvo KS i propisanih mjera od strane Kriznog štaba Ministarstva zdravstva KS.
3. Učenici će obavljati praktičnu nastavu u privrednim objektima /trgovinama/ sa kojima Škola ima potpisan sporazum o saradnji prema važećem Rasporedu časova ove Javne ustanove za školsku 2020/2021. godinu, pridržavajući se preporuka Zavoda za javno zdravstvo KS i propisanih mjera od strane Kriznog štaba Ministarstva zdravstva KS.
4. Online nastava će se odvijati putem online platforme koju Škola koristi za realizaciju online nastave, uz optimalnu upotrebu audio i/ili video komunikacije sa učenicima, prema instrukcijama Ministarstva za odgoj i obrazovanje Kantona Sarajevo.



5. Nastava iz predmeta Tjelesni i zdravstveni odgoj se neće odvijati u skladu sa Informacijom resornog Ministarstva broj: 11-34-8297-11-1/20 od 03.09.2020. godine, odnosno neće se provoditi u skladu sa salama za Tjelesni i zdravstveni odgoj/Sport. Cijeneći činjenicu da se nastava iz predmeta Tjelesni i zdravstveni odgoj/Sport ne realizira u skladu sa salama, preporučujemo da se u nastavi predmeta Tjelesni i zdravstveni odgoj/Sport realiziraju sadržaji koji se odnose na usvajanje znanja o očuvanju i promociji zdravlja, prevenciji maloljetničke delikvencije, prevenciji korištenja opojnih droga, promociji općih ljudskih vrijednosti, na sadržajima koji promovišu mentalno zdravlje učenika, sadržajima koji se odnose na prevenciju pretilosti, sadržajima koji se odnose na primjenu teorijskih i metoričkih znanja koja omogućavaju samostalno tjelesno vježbanje radi veće kvalitete življenja, sa upoznavanjem zakonitosti rasta i razvoja temeljnih antropoloških obilježja, a sve u cilju očuvanja zdravlja i najboljeg interesa učenika.
6. Stručni saradnici u nastavi, saradnici na pravnim i ekonomskim poslovima, administrativno i tehničko osoblje obavljati će svoje redovne zadatke u sjedištu Škole pridržavajući se preporuka Zavoda za javno zdravstvo KS i propisanih mjera od strane Kriznog štaba ministarstva zdravstva KS, te po potrebi radom od kuće, o čemu će se donijeti posebna odluka.
7. Sjednice stručnih organa škole kao i sastanci sa Vijećem roditelja/Vijećem učenika, roditeljski i informativni sastanci održavati će se online, izuzetno uživo u prostorijama škole u skladu sa preporukama i smjernicama kriznih štabova u pogledu dozvoljenog broja osoba u zatvorenom prostoru.
8. Komunikacija radnika, kao i komunikacija nastavnika i učenika, odnosno njihovih roditelja/staratelja će se obavljati telefonskim i elektronskim putem, po potrebi u sjedištu Škole, a važna obavještenja za učenike, odnosno njihove roditelje/staratelje i treća lica, bit će blagovremeno objavljena na web portalu ove Javne ustanove.

II – U prvoj sedmici u drugog polugodišta školske 2020/2021. godine, u periodu od 01.02.2021. godine do 05.02.2021. godine nastava će se odvijati po modelu koji je bio na snazi do dana 31.12.2020. godine, prema Uputstvu o organizaciji i realizaciji odgojno-obrazovnog rada u osnovnim i srednjim školama na području Kantona Sarajevo u školskoj 2020/2021. godini broj: 11-34-31987-8/20 od 22.10.2020. godine.

III - Ova Odluka stupa na snagu danom donošenja, a stupanjem na snagu ove Odluke prestaje da važi Odluka broj: 01-3-1050/20 od 14.09.2020. godine.

DIREKTORICA

Kanita Selmanović-Kulo, prof.

Odluku dostaviti:

1. Oglasna ploča x2;
2. A/a.